

სამხრეთ ოსეთის ადმინისტრაცია

სადაზღვევო და საპენსიო მომსახურებები

CPV66500000

გამარტივებული ელექტრონული ტენდერის საშუალებით

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის,
გამარტივებული ელექტრონული ტენდერისა და ელექტრონული ტენდერის ჩატარების წესის“ სახელმწიფო
შესყიდვების სააგენტოს თავმჯდომარის 07.04.2011წ. N9 ბრძანების საფუძველზე

ქ.თბილისი

2015 წელი

ს ა რ ჩ ე ვ ი

1. ტექნიკური დავალება 3
2. სახელმწიფო შესყიდვის შესახებ ხელშეკრულების პროექტი 9

ტექნიკური დავალება

1. ალტერნატიული სატენდერო წინადადებები არ მიიღება.
2. პრეტენდენტი უნდა წარმოადგენდეს საქართველოს კანონმდებლობის შესაბამისად ლიცენზირებულ სადაზღვევო ორგანიზაციას.
3. პრეტენდენტს უნდა გააჩნდეს შესაბამისი საქმიანობის (ჯანმრთელობის დაზღვევა) არანაკლებ სამ წლიანი მიმდინარე გამოცდილება.

4. ტექნიკური დავალება:

შესყიდვის ობიექტს წარმოადგენს სამხრეთ ოსეთის ადმინისტრაციის თანამშრომელთა (შემდგომში თანამშრომელი) (ასევე, სურვილის შემთხვევაში, თანაგადახდის პირობით მათი ოჯახის წევრთა) მეუღლე და შვილები 0–დან 25 წლამდე, ჯანმრთელობის დაზღვევის მომსახურება, ქვემოთ მოცემული სადაზღვევო პირობების შესაბამისად. მიმწოდებელმა უნდა უზრუნველყოს სადაზღვევო მომსახურების გაწევა სატენდერო დოკუმენტაციის დანართი N1–ში მოცემული პირობების შესაბამისად.

6. მომსახურების მოცულობა და ვადები:

- 6.1. მოცულობა: სამხრეთ ოსეთის ადმინისტრაციის დასაზღვევ თანამშრომელთა რაოდენობა შეადგენს არაუმეტეს 90 პირს.
- 6.2. ვადები: მომსახურების გაწევა განხორციელდება ხელშეკრულების ძალაში შესვლიდან 2015 წლის 31 დეკემბრის ჩათვლით.

7. ხელშეკრულების ღირებულება:

ხელშეკრულების სავარაუდო ღირებულებაა **32000 (ოცდათორმეტი ათასი) ლარი**. კანონმდებლობით გათვალისწინებული ყველა გადასახადების ჩათვლით. აღნიშნული თანხა არ მოიცავს საშემოსავლო გადასახადს, რომლის გადახდასაც უზრუნველყოფს შემსყიდველი.

8. სატენდერო წინადადების ფასის დაანგარიშების მეთოდი:

ინდივიდუალური პაკეტი/საბაზისო პაკეტი - სადაზღვევო კომპანია ვალდებულია უზრუნველყოს სამხრეთ ოსეთის ადმინისტრაციის თანამშრომლების (სავარაუდო რაოდენობა 83 კაცი) ჯანმრთელობის დაზღვევა ქვემოთ მოცემული სახეების მიხედვით – პრეტენდენტებმა დამატებით უნდა წარმოადგინონ ძირითადი პაკეტის გარდა ორი დამატებითი გაუმჯობესებული პაკეტი. დამატებითი პაკეტებით შემოთავაზებული დაზღვევის მომსახურების პირობები უნდა იყოს ძირითად პაკეტზე გაუმჯობესებული და მინიმუმ უნდა ვრცელდებოდეს ყველა ის მომსახურების პირობა და შეზღუდვა, რაც ძირითად პაკეტზე არის გათვალისწინებული. (სატენდერო კომისია ასეთ პაკეტებს ალტერნატიულად არ განიხილავს. შესაბამისად, შეფასება მოხდება მხოლოდ ერთი – ძირითადი პაკეტით/საბაზისო პაკეტით. თანამშრომლის სურვილის შემთხვევაში განსხვავებული პაკეტის არჩევისას სხვაობა დაიფარება მათი ხელფასიდან).

შემსყიდველს უფლება აქვს შეცვალოს დაზღვეულ პირთა რაოდენობა ხელშეკრულების მოქმედების პერიოდში ნებისმიერ დროს, რაზეც არ დაეკისრება არანაირი პასუხისმგებლობა, კერძოდ:

დაზღვეულ თანამშრომელთა რაოდენობის გაზრდის შემთხვევაში, სადაზღვევო კომპანია ვალდებულია იგივე პირობებით დააზღვიოს სამხრეთ ოსეთის ადმინისტრაციის ყოველი დამატებული თანამშრომელი, რომელთა დაზღვევის ღირებულებას დამატებით აანაზღაურებს შემსყიდველი.

შემცირების შემთხვევაში: თანამშრომლის სამსახურიდან გათავისუფლების შემთხვევაში, მოცემული პირის კორპორატიული სადაზღვევო მომსახურება შეწყდება და შემსყიდველს არ დაეკისრება ვალდებულება განაგრძოს მოცემული პირის სადაზღვევო თანხის გადახდა და არ დაეკისრება არანაირი პირგასამტეხლო.

საოჯახო პაკეტი- სამხრეთ ოსეთის ადმინისტრაციი თანამშრომლის/დაზღვეულის სურვილის და თანაგადახდის შემთხვევაში, სადაზღვევო კომპანია ვალდებულია უზრუნველყოს მისი ოჯახის წევრების – მეუღლე და შვილები (0-დან 25 წლამდე) დაზღვევა. ასეთ შემთხვევაში, სადაზღვევო კომპანია ვალდებულია ოჯახის წევრები დააზღვიოს ქვემოთ მოცემული სადაზღვევო პირობების მიხედვით. ამავე დროს, აუცილებელია პრეტენდენტის მიერ შემოთავაზებულ იქნეს საოჯახო პაკეტის ღირებულება.

9. ანგარიშსწორების ვადები და პირობები:

9.1 მიმწოდებელთან ანგარიშსწორება განხორციელდება უნაღდო ანგარიშსწორებით, ეროვნულ ვალუტაში; ანგარიშსწორებისათვის შემსყიდველსა და მიმწოდებელს შორის უნდა გაფორმდეს ყოველთვიური მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანმხლები დოკუმენტაცია. ანგარიშსწორება მოხდება შემსყიდველის მიერ მიღება-ჩაბარების აქტის ხელმოწერიდან 15 კალენდარული დღის განმავლობაში;

9.2 წინასწარი გადახდის მექანიზმი არ გამოიყენება;

ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით.

9.3. იმ შემთხვევაში, თუ თანამშრომელს სურვილი აქვს, შეიძინოს ბარათი (საოჯახო ან ინდივიდუალური), რომლის ღირებულებაც აღემატება ინდივიდუალური „საბაზისო ბარათის“ ფასს - შემსყიდველი დაზღვეულის სასარგებლოდ იხდის მხოლოდ ინდივიდუალური „საბაზისო ბარათის“ სადაზღვევო პრემიას, ხოლო ფასთაშორის სხვაობას შემსყიდველის მიერ გადახდილ პრემიასა და სასურველი ბარათის პრემიებს შორის იხდის დაზღვეული. ამასთან, შემსყიდველი, დაზღვეული პირის წერილობითი თანხმობით, უზრუნველყოფს დაზღვეულის მიერ გადასახდელი თანხის მიმწოდებლისთვის გადარიცხვას თანამშრომლის ხელფასიდან.

10. ზარალის ანაზღაურება (არაპროვაიდერი კლინიკის არჩევის შემთხვევაში) უნდა მოხდეს შემდეგნაირად:

ა) 10(ათი) სამუშაო დღის განმავლობაში დაზღვეულმა უნდა წარუდგინოს მზღვეველს შესაბამისი დოკუმენტაცია

ბ) 200 ლარამდე – დოკუმენტების სადაზღვევო კომპანიაში წარდგენის დღესვე;

გ) 200 ლარის ზევით – დოკუმენტების სადაზღვევო კომპანიაში წარდგენიდან არაუგვიანეს 10 სამუშაო დღისა.

11. პრეტენდენტებმა სისტემაში უნდა ატვირთონ შემდეგი დოკუმენტები და ინფორმაცია:

1. ინფორმაცია პროვაიდერი სამედიცინო დაწესებულებების შესახებ დასახელების, მისამართებისა და ტელეფონის ნომრების მითითებით;
2. ინფორმაცია ორგანიზაციის რეკვიზიტების შესახებ (სახელწოდება, ორგანიზაციულ– სამართლებრივი ფორმა, იურიდიული მისამართი, საიდენტიფიკაციო კოდი, ტელეფონის/ფაქსის ნომერი, ხელმძღვანელ(ებ)ის სახელი და გვარი, ელექტრონული მისამართი, ბანკის დასახელება, ბანკის კოდი, ანგარიშსწორების ანგარიშის ნომერი);
3. ინფორმაცია გამოცდილების შესახებ.
4. განფასება (ყოველთვიური სადაზღვევო პრემია ინდივიდუალური პაკეტისთვის, გაუმჯობესებული ორი პაკეტისათვის)

შენიშვნა: პრეტენდენტები ვერ გაივლიან შერჩევას, თუ არ გააჩნიათ საქართველოს სადაზღვევო ბაზარზე ჯანმრთელობის სფეროში მუშაობის არა ნაკლებ 3 (სამი) წლიანი გამოცდილება.

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი უნდა იყოს უფლებამოსილი ან მისი ნდობით აღჭურვილი პირის ხელმოწერით.

გამარჯვებულმა პრეტენდენტმა უნდა წარმოადგინოს ვაჭრობის შედეგად დაფიქსირებული საბოლოო ფასების შესაბამისი ხარჯთაღრიცხვა.

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 595958039 ინგა **ნინიძე**.; 99979391 თამაზ ბესტაევი.

სადაზღვევო პირობები

დანართი #1

მომსახურები სახე	წლიური სადაზღვეო ლიმიტი	თანაგადახდა
სატელეფონო კონსულტაცია 24/24 ცხელი ხაზი	ლიმიტის გარეშე	100%
ოჯახის ექიმი	ლიმიტის გარეშე	100%
ჰოსპიტალური (სტაციონალური) მომსახურება		
კონსულტაციები, გამოკვლევები, ქირურგიული და კონსერვატიული მკურნალობა	10000 ლარი	100%
ორსულობა/მშობიარობა	1000 ლარი	100%
ამბულატორიული მომსახურება		
ექიმ სპეციალისტების კონსულტაციები	1000 ლარი	70%
ექიმის მიერ დანიშნული მედიკამენტები	1000 ლარი	70%
სასწრაფო სამედიცინო დახმარება	ლიმიტის გარეშე	100%
პროფილაქტიკური გამოკვლევები	წელიწადში ორჯერ	100%
სტომატოლოგიური მომსახურება		
გადაუდებელი სტომატოლოგიური მომსახურება	ლიმიტის გარეშე	100%
სტომატოლოგიური მომსახურება პროვაიდერ კლკლინიკაში	ლიმიტის გარეშე	70%
სამოგზაურო დაზღვევა	ორი კვირა ლიმიტი 50000 ევრო	

დამატებითი პირობები

- სადაზღვევო კომპანიამ უნდა უზრუნველყოს დაზღვევამდე არსებული დაავადებების მკურნალობისა და გამოკვლევების ხარჯების ანაზღაურება.
 - დაზღვევამდე არსებული დაავადებები _____ დაიფაროს სრულად
 - ქრონიკული დაავადებები _____ დაიფაროს სრულად
 - ონკოლოგიური დაავადებების ქირურგიული და თერაპიული მკურნალობა _____ დაიფაროს სრულად
 - კარდიოქირურგია(სტენტირება,შუნტირება, ოპერაციები ღია გულზე) _____ დაიფაროს სრულად
 - ენდოპროთეზირება _____ დაიფაროს სრულად
 - ორსულობის მონიტორინგი _____ დაიფაროს სრულად
 - შარდ-სასქესო სისტემის ბაქტერიული და ინფექციური დაავადებები _____ დაიფაროს სრულად
 - დერმატოლოგიური დაავადებები _____ დაიფაროს სრულად
 - პროვაიდერების ქსელი _____ თავისუფალი არჩევანი
- საქართველოს ნებისმიერ ლიცენზირებულ სამედიცინო დაწესებულებაში.
სარჩელების ანაზღაურება _____ დოკუმენტაციის

წარმოდგენის შემდგომ მომენტალური განადგება სადაზღვეო კომპანიაში.

სადაზღვეო პირობებით გათვალისწინებულ მომსახურებათა განმარტებები

24 საათიანი სატელეფონო-საკონსულტაციო საორგანიზაციო

ითვალისწინებს სადღეღამისო სატელეფონო-საინფორმაციო, საორგანიზაციო კონსულტაციებს ჯანმრთელობის მდგომარეობასთან დაკავშირებული ნებისმიერი საკითხის ან პრობლემის წარმოქმნისას. ამ დროს დაზღვეულს საშუალება ეძლევა მიიღოს სრული და ოპერატიული ინფორმაცია სადაზღვეო პროგრამის, სამედიცინო მომსახურების ორგანიზებისა და კორდინირების შესახებ. აღნიშნული გულისხმობს დაზღვეულის ჰოსპიტალური და ამბულატორიული მკურნალობის საჭიროების შემთხვევაში, როგორც მკურნალობის პროცესზე და ხარისხზე, ასევე სამედიცინო და ფინანსურ დოკუმენტაციაზე ზედამხედველობის უზრუნველყოფას.

პირადი ექიმის მომსახურება

ითვალისწინებს:

*პირადი ექიმის კონსულტაციებს

*საჭიროების შემთხვევაში ექიმის ვიზიტის ბინაზე

*დაზღვეულის ჯანმრთელობის მდგომარეობის მონიტორინგს და თითოეულ დაზღვეულზე ავადმყოფობის ისტორიის შექმნას.

*სამედიცინო რეკომენდაციებს ცხოვრების ჯანსაღი წესის დამკვიდრებისათვის

*საჭიროების შემთხვევაში დამატებითი სპეციალისტების მოწვევას და კონსილიუმების ორგანიზებას თითოეულ დაზღვეულს შეუძლია შეუზღუდავად ისარგებლოს პროვაიდერ კლინიკის ექიმ(ებ)ის მომსახურებით.

*ოჯახის ექიმი (პედიატრი) უნდა ემსახუროდეს მხოლოდ და მხოლოდ ბავშვებს და არ ითავსებდეს უფროსი ასაკის დაზღვეულების მომსახურებას.

ჰოსპიტალური (სტაციონალური) სამედიცინო მომსახურება

ითვალისწინებს თავისუფალი არჩევის პრინციპის დაცვით, საქართველოს ტერიტორიაზე არსებულ ნებისმიერ ლიცენზირებულ საავადმყოფოში შესაბამისი სამედიცინო ჩვენების არსებობისას, სამედიცინო მომსახურებას დაზღვეულის 24 სთ-ზე მეტი ხნით განთავსების შემთხვევაში. აღნიშნული მოიცავს როგორც გადაუდებელი, ასევე გეგმიური ჰოსპიტალური მომსახურებისას სამკურნალო - დიაგნოსტიკური, ლაბორატორიული და ინსტრუმენტული გამოკვლევების გარანტირებული მოცულობის უზრუნველყოფას. მათ შორის სათანადო ქირურგიული და კონსერვატიული მკურნალობის, მოვლის, სამედიცინო მანიპულაციების, დანიშნული მედიკამენტების და ყველა სხვა აუცილებელი ღონისძიებების ხარჯების ანაზღაურებას სადაზღვეო პროგრამით განსაზღვრული ლიმიტის ფარგლებში.

ჰოსპიტალური მომსახურება მოიცავს კრიტიკული დაავადებების მკურნალობის ხარჯებს:

*გულ-სისხლძარღვთა სისტემის დაავადებების მკურნალობა

*მიოკარდიუმის ინფარქტის დიაგნოსტიკა და მკურნალობა

*ონკოლოგიური დაავადებების ქირურგიული და თერაპიული მკურნალობის ხარჯები

*თავის ტვინის სიმსივნეების მკურნალობა

- *კომპატოზური მდგომარეობის მკურნალობა
- *იშემიური და ჰემორაგიული ინსულტების მკურნალობა
- *გაფანტული სკლეროზის მკურნალობა
- *ალცჰეიმერის დაავადების და პარკინსონის დაავადების მკურნალობის ხარჯები
- *მკურნალობა მხედველობისა და სმენის სრული დაკარგვისას
- *ძლიერი დამწვრობის მკურნალობის ხარჯები.

ორსულობა/ მშობიარობა

ითვალისწინებს ორსულობის მონიტორინგს (მოიცავს ულტრასონოგრაფიულ კვლევას, სისხლის და შარდის საერთო ანალიზს) და მშობიარობის ხარჯების (ფიზიოლოგიური მშობიარობა, საკეისრო კვეთა), ანაზღაურებას თავისუფალი არჩევანის პრინციპის დაცვით, ნებისმიერ ლიცენზირებულ სამშობიარო სახლში საქართველოს ტერიტორიაზე – სადაზღვეო პროგრამით განსაზღვრული ლიმიტის ფარგლებში. ასევე საჭიროების შემთხვევაში ექიმის მიერ დანიშნულ მედიკამენტების ხარჯების ანაზღაურებას სადაზღვეო პროგრამით განსაზღვრული ლიმიტის და თანაგადახდის ფარგლებში.

უბედური შემთხვევის გამო ორსულობის შეწყვეტის ან საშვილოსნოს გარე ორსულობისას საჭირო სამედიცინო მომსახურების ხარჯები ანაზღაურდება გადაუდებელი ჰოსპიტალური მომსახურების მუხლის შესაბამისად.

ამბულატორიული სამედიცინო მომსახურება

ითვალისწინებს შესაბამისი სამედიცინო ჩვენებით სამედიცინო მომსახურებას საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებაში, თავისუფალი არჩევანის პრინციპის დაცვით. აღნიშნული მოიცავს როგორც გადაუდებელი, ასევე გეგმიური ამბულატორიული მომსახურების შემთხვევაში სხვადასხვა პროფილის ექიმ-სპეციალისტების კონსულტაციების, სამედიცინო მანიპულაციების და ლაბორატორიული-ინსტრუმენტული გამოკვლევების ხარჯების ანაზღაურებას – სადაზღვეო პროგრამით განსაზღვრული ლიმიტის თანაგადახდის ფარგლებში.

ექიმის მიერ დანიშნული მედიკამენტები (მედიკამენტური მკურნალობა)

ითვალისწინებს ექიმის მიერ დანიშნული მედიკამენტების ხარჯების ანაზღაურებას ამბულატორიული მომსახურებისას, სადაზღვეო პროგრამით განსაზღვრული ლიმიტის და თანაგადახდის ფარგლებში. ექიმის მიერ დანიშნული მედიკამენტების შეძენა შესაძლებელია ნებისმიერ ლიცენზირებულ აფთიაქში საქართველოს ტერიტორიაზე.

სასწრაფო სამედიცინო დახმარება

ითვალისწინებს ნებისმიერი ლიცენზირებული, გადაუდებელი სამედიცინო დახმარების ბრიგადების მომსახურებას. აგრეთვე საჭიროების შემთხვევაში, უფასო ტრანსპორტირებას საქართველოს ტერიტორიაზე.

პროფილაქტიკური შემოწმება

ითვალისწინებს სამედიცინო სამსახურ პროვაიდერ კლინიკების მიმართვის საფუძველზე, ნებისმიერ ლიცენზირებულ სამედიცინო დაწესებულებაში შემდეგი კონსულტაციების და გამოკვლევების ჩატარებას:

- *თერაპევტის კონსულტაცია
- *სისხლის საერთო ანალიზს

*შარდის საერთო ანალიზს
*პროტრომბინის განსაზღვრა სისხლში
*ხოლო საჭიროების შემთხვევაში (პირადი ექიმის დანიშნულებით)
ეკგ-ს
*რენდგენოგრაფია.

პროფილაქტიკური ვაქცინაცია და იმუნიზაცია

ითვალისწინებს, საჭიროების შემთხვევაში პროფილაქტიკური ვაქცინაციისა და იმუნიზაციის ჩატარებას (აღნიშნული ხორციელდება დაავადებათა პრევენციის მიზნით)
სამედიცინო პროვაიდერ კლინიკების მიმართვის საფუძველზე სადაზღვეო პროგრამით განსაზღვრული ღირებულების და თანაგადახდის ფარგლებში.

გადაუდებელი სტომატოლოგიური მომსახურება

ითვალისწინებს მხოლოდ კბილის მწვავე ტკივილის მოხსნასა და ექსტრაქციასთან (კბილის ამოღება) დაკავშირებული ხარჯების ანაზღაურებას, თავისუფალი არჩევის პრინციპის დაცვით, ნებისმიერ სტომატოლოგიურ კლინიკაში საქართველოს ტერიტორიაზე.

გეგმიური სტომატოლოგიური მომსახურება

ითვალისწინებს ყველა სახის დიაგნოსტიკური, თერაპიული და ქირურგიული მკურნალობის ხარჯების ანაზღაურებას პროვაიდერ სტომატოლოგიურ კლინიკაში სადაზღვეო პროგრამით განსაზღვრული ღირებულებისა და თანაგადახდის ფარგლებში.

სამოგზაურო დაზღვევა

ითვალისწინებს სადაზღვეო პროგრამაში მითითებული ვადით, თანამშრომელთა საქართველოს ფარგლებს გარეთ ოფიციალური მივლინების დროს სამოგზაურო დაზღვევის პოლისის გაცემას, სადაზღვეო ღირებულებით 50 000 ათასი ევრო.

სამედიცინო მომსახურების მიღება კომპანიებში მიმართვის გარეშე

1. დაზღვეული საჭიროებს ნებისმიერი სამედიცინო მომსახურებას.
2. დაზღვეული საკუთარი შეხედულებისამებრ მიმართავს საქართველოს ნებისმიერ ლიცენზირებულ სამედიცინო დაწესებულებას, იღებს შესაბამის მომსახურებას და სრულად იხდის მის საფასურს.
3. დაზღვეული სრულად წარმოადგენს ყველა თანმხლებ სამედიცინო და ფინანსურ დოკუმენტაციას სადაზღვეო კომპანიის სათაო ოფისში ან ნებისმიერ ფილიალში.

სამედიცინო და ფინანსური დოკუმენტაცია:

1. ანგარიშ-ფაქტურა
2. კალკულაცია
3. ექიმის დანიშნულება (ფორმა IV- №100ა)
4. ჩატარებული გამოკვლევების დასკვნები

5. მიღებული სამედიცინო მომსახურების ან/და ექიმის მიერ დანიშნული მედიკამენტების საფასური გადახდის დამადასტურებელი სალაროს ქვითრები შესაბამისი ჩეკებით.

გამონაკლისი შემთხვევები

სადაზღვევო პირობებით გათვალისწინებული მომსახურებიდან სადაზღვევო კომპანიის მიერ შესაძლებელია დაშვებულ იქნას მხოლოდ ქვემოთ ჩამოთვლილი გამონაკლისები

1. სხეულის განზრახ თვითდაზიანებით გამოწვეულ დაავადებათა მკურნალობის ხარჯებს; იმ შემთხვევებით გამოწვეული დაავადებების მკურნალობის ხარჯებს, როდესაც დაზღვეული განზრახ იგდებს თავს საფრთხეში, გარდა იმ შემთხვევებისა როდესაც ის მოქმედებს სხვისი სიცოცხლის გადარჩენის მიზნით; თვითმკურნალობის ხარჯებს; არატრადიციული მედიცინის (აკუპუნქტურა, ჰომეოპათია, მანუალური თერაპია, სუფოკთერაპია და ა.შ.) ხარჯებს;
2. კვებითი დანამატებს, პირადი ჰიგიენის ან/და მოვლის საშუალებების შეძენასთან დაკავშირებულ ხარჯებს;
3. პროფესიული და სარისკო სპორტის სახეობებში მონაწილეობით გამოწვეული დაავადებების მკურნალობის ხარჯებს; ალკოჰოლიზთან, ნარკომანიასა და ტოქსიკომანიასთან დაკავშირებულ ხარჯებს;
4. ალკოჰოლური, ნარკოტიკული, ტოქსიკური ან ფსიქოტროპული ნივთიერებ(ებ)ის ზემოქმედების ქვეშ სატრანსპორტო საშუალების მართვისას მომხდარი ავტოსაგზაო შემთხვევით გამოწვეული დაავადებების მკურნალობის ხარჯებს;
5. ეგზოპროთეზებთან და მაკორეგირებელი დანიშნულების სამედიცინო მოწყობილობებთან, ორგანოთა ტრანსპლანტაციასთან დაკავშირებულ ხარჯებს, ოპერაციული და არაოპერაციული ჩარევის დროს; მხედველობის კორექციასთან დაკავშირებულ ხარჯებს, მათ შორის ექსიმერ-ლაზერით ჩატარებული მკურნალობის ხარჯებს; სათვალეების, ლინზებისა და სმენის აპარატის შეძენასთან დაკავშირებულ ხარჯებს;
6. თანდაყოლილი და გენეტიკური დაავადებების მკურნალობის ხარჯებს; კოსმეტიკური მკურნალობის, პლასტიკური ქირურგიის ხარჯებს; წონის კორექციასთან დაკავშირებულ ხარჯებს;
7. უნაყოფობის, იმპოტენციის დიაგნოსტიკების და მკურნალობის ხარჯებს; აბორტის ხარჯებს; კონტრაცეფციის, ხელღვნური განაყოფიერების, რეპროდუქტოლოგიის ხარჯებს;
8. მხოლოდ სქესობრივი გზით გადამდები დაავადებების მკურნალობის ხარჯებს;
9. ფსიქიური დაავადებების, სარეაბილიტაციო მკურნალობის, მასაჟისა და ფსიქოთერაპევტის მომსახურების ხარჯებს;
10. სამედიცინო ხარჯებს, გაწეულს შიდსის მკურნალობისას;

11. მკურნალობის ხარჯებს, რომელიც საჭირო გახდა დაზღვეულის ომში, აჯანყებაში, სამოქალაქო არეულობაში ან კრიმინალურ ქმედებაში მონაწილეობის შედეგად; აგრეთვე თავისუფლების აღკვეთის პერიოდში გაწეული სამედიცინო მომსახურების ხარჯებს;

პროექტი

სახელმწიფო შესყიდვების შესახებ ხელშეკრულება N-----

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

----- 2015 წელი

ერთის მხრივ სამხრეთ ოსეთის ადმინისტრაცია (შემდგომში „შემსყიდველი“) წარმოდგენილი მისი ხელმძღვანელის დიმიტრი სანაკოვეცის სახით, და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, №SPA----- გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) –შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „შემსყიდველი“ (დამზღვევი) – ორგანიზაცია, რომელიც ახორციელებს შესყიდვას.

1.3. „მიმწოდებელი“ (მზღვეველი) – პირი, რომელიც ახორციელებს მომსახურებას გაწევას ხელშეკრულების ფარგლებში.

1.4. „დაზღვეული“ – დამზღვევის თანამშრომლები ასაკის შეუზღუდავად, რომელთა სასარგებლოდაც ხორციელდება დაზღვევა და რომელთა სია მოცემულია წინამდებარე ხელშეკრულების დანართი #2–ში

1.5. სადაზღვევო პოლისი – მზღვეველის მიერ გაცემული დაზღვევის დამადასტურებელი დოკუმენტი, დამზღვევს სადაზღვევო შემთხვევის დადგომისას უფლებას აძლევს მოითხოვოს სადაზღვევო მომსახურება. პოლისის დამზადება ხდება ხელშეკრულებაზე ხელის მოწერიდან 10 (ათი) კალენდარული დღის განმავლობაში.

1.6. „დაზღვევის ტერიტორია“ – ტერიტორია, რომელზეც ვრცელდება დაზღვევის მოქმედება.

1.7. „სადაზღვევო პრემია“ – თანხა, რომელიც უნდა გადაუხადოს „შემსყიდველმა“ „მიმწოდებელს“ ამ ხელშეკრულებით გათვალისწინებული დაზღვევის საფასურად.

1.8. „სადაზღვევო“ შემთხვევა“ – წინამდებარე ხელშეკრულებით (და მისი დანართების პირობებით) განსაზღვრული შემთხვევები, რომელთა დადგომისას წარმოიშვება მიმწოდებლის ვალდებულება, გასცეს სადაზღვევო ანაზღაურება წინამდებარე ხელშეკრულების პირობების შესაბამისად;

2. ხელშეკრულების საგანი

2.1. წინამდებარე ხელშეკრულება არეგულირებს ურთიერთობებს, რომელიც წარმოიშვება „შემსყიდველსა“ და „მიმწოდებელს“ შორის დაზღვეულ პირთა დაზღვევისას.

2.2. ხელშეკრულების საგანია სამხრეთ ოსეთის ადმინისტრაციის თანამშრომელთა და სურვილისამებრ მათი ოჯახის წევრების (მეუღლე და შვილები (0–დან 25 წლამდე) ჯანმრთელობის დაზღვევის (CPV-66512200) მომსახურების შესყიდვა, რომლის აღწერა მოცემულია ტექნიკურ დავალებაში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1. 1 (ერთი) ინდივიდუალური პაკეტის ღირებულება თვეში შეადგენს ——— ლარს, სულ ——— ლარი

3.2. ყოველთვიური სადაზღვევო პრემია შეადგენს ——— ლარს.

3.3. ხელშეკრულების ჯამური ღირებულება შეადგენს ——— ლარს.

3.4. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

4.1. შესყიდული მომსახურების ღირებულების ანაზღაურება განხორციელდება ეროვნულ ვალუტაში, უნაღდო ანგარიშსწორებით, მომსახურების გაწევის შემდეგ, ეტაპობრივად, შესაბამისი შუალედური (1 თვე) მიღება-ჩაბარების აქტის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. წინასწარი ანგარიშსწორება არ გამოიყენება.

4.3. ანგარიშსწორება მოხდება – შესაბამისი შუალედური მიღება-ჩაბარების აქტის წარმოდგენიდან არაუმეტეს 15 (თხუთმეტი) კალენდარული დღის განმავლობაში.

5. მიღება-ჩაბარების წესი

მომსახურება ჩაითვლება მიღებულად მხოლოდ მხარეთა მიერ შესაბამისი ყოველთვიური მიღება-ჩაბარების აქტის ხელმოწერის შემდეგ.

6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) სადაზღვევო შემთხვევის დადგომისას მოითხოვოს „მიმწოდებლის“ მიერ სადაზღვევო ანაზღაურების გაცემა.

გ) მოითხოვოს „მიმწოდებლის“ მიერ წინამდებარე ხელშეკრულებით, დაზღვევის პირობებითა და შესაბამისი სადაზღვევო პოლისებით ნაკისრი ვალდებულებების სრული და განუხრელი შესრულება.

დ) მომსახურების გაწევის დასრულებამდე გამოითხოვოს მიმწოდებლისგან მისთვის საჭირო დოკუმენტი.

ე) ნებისმიერ დროს მოახდინოს დაზღვეულ პირთა რაოდენობის ცვლილება, რაზეც არ დაეკისრება არანაირი პასუხისმგებლობა.

6.2. შემსყიდველი ვალდებულია:

ა) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

ბ) ჯეროვნად შეასრულოს მასზე წინამდებარე ხელშეკრულებითა და მისი დანართებით დაკისრებული ვალდებულებები.

6.3. მიმწოდებელი უფლებამოსილია:

ა) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

ა) გასწიოს მომსახურება სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულებისა და მისი დანართების პირობები იმ ვადაში, რომელიც მითითებულია წინამდებარე ხელშეკრულებაში;

ბ) გადასცეს შემსყიდველს სადაზღვევო პოლისები ხელშეკრულების ხელმოწერიდან 10 (ათი) კალენდარული დღის განმავლობაში. ამასთან გაუწიოს დაზღვეულებს სამედიცინო მომსახურება

ხელშეკრულების ძალაში შესვლის მომენტიდან ხელშეკრულების მოქმედების ვადის განმავლობაში 2014 წლის 31 დეკემბრის 24.00 სთ-ის ჩათვლით.

გ) დროულად და სრულად გასცეს სადაზღვევო ანაზღაურება დაზღვეულზე ხელშეკრულებით განსაზღვრული პირობების შესაბამისად.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი პირი -----.

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად გაწეული მომსახურების კონტროლს.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

8.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 1 (ერთი) თვით ადრე წერილობით, თუ მხარე რომელიც აღვეს ხელშეკრულების პირობებს არ გამოასწორებს დარღვევას მეორე მხარის მიერ დამატებით განსაზღვრულ, გონივრულ ვადაში.

8.5. შემსყიდველის ფინანსური მდგომარეობის გაუარესების შემთხვევაში შემსყიდველს უფლება აქვს წინასწარ 1 (ერთი) თვით ადრე წერილობით აცნობოს მიმწოდებელს ხელშეკრულების ცალმხრივად შეწყვეტის შესახებ. აღნიშნულ შემთხვევაში შემსყიდველს არ დაეკისრება ზიანის ანაზღაურების ვალდებულება.

8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორს-მაჟორი)

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს-მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია გონივრულ ვადაში აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1. „მიმწოდებელი“ პასუხს აგებს „შემსყიდველის“ წინაშე იმ ზარალისათვის, რომელიც გამოწვეულია მომსახურების გაწევის ვადის გადაცილებით და არაკეთილსინდისიერი შესრულებით.

10.2. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, მხარე უფლებამოსილია დააკისროს დამრღვევ მხარეს პირგასამტეხლო – ხელშეკრულების საერთო თანხის 0,05%-ის ოდენობით ყოველ გადაცილებულ დღეზე.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1. ხელშეკრულება ძალაში შედის ----- და მოქმედებს 2015 წლის 31 დეკემბრის 24.00 სთ-ის ჩათვლით.

12.2. ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).

მხარეთა რეკვიზიტები და ხელმოწერები

შემსყიდველი

სამხრეთ ოსეთის ადმინისტრაცია

ქ. თბილისი კოსტავას 37ა,

ს/კ:

სახელმწიფო ხაზინა

ტელ:

ადმინისტრაციის ხელმძღვანელი

დომიტრი სანაკოვეი
